

**JAVNO PREDUZEĆE „KOMUNALNO“ D.O.O. BREZA**  
**ZAVNOBIH-A BR.6 71370 BREZA**

Broj: 05-2307-7/24  
Breza, 21.10.2024. godine.

Na osnovu člana 64. stav (1) tačka (b), člana 69. stav (1) tačka (a) i člana 70. st. (1), (3) i (6) Zakona o javnim nabavkama („Službeni glasnik BiH“, broj 39/14, 59/22 i 50/24 ) i člana 46. stav (1) tačka (k) Statuta JP „Komunalno“ d.o.o. Breza, broj: 1157-07-05-33-2./18 od 07.05.2018. godine, na Preporuku Komisije za javnu nabavku robe: "Nabavka vodovodnih cijevi većih profila" (broj: 05-2307-6/24 od 17.10.2024. godine) direktor preduzeća d o n o s i:

## **O D L U K U**

**o izboru najpovoljnijeg ponuđača za javnu nabavku robe: "Nabavka vodovodnih cijevi većih profila"**

### **Član 1.**

Prihvata se Preporuka Komisije za javne nabavke (broj: 05-2307-6/24 od 17.10.2024. godine) i Ugovor za javnu nabavku robe: "Nabavka vodovodnih cijevi većih profila" dodjeljuje izabranom ponuđaču „VODOSKOK“ d.o.o. Tomislavgrad, ID 4281210160004, sa sjedištem u Tomislavgradu, Ul. Novi kolodvor bb, kao prvorangiranom na rang listi, čija ponuda nakon provedene „e-Aukcije“ iznosi **12.049,00 KM bez PDV-a**, odnosno **14.097,33 KM s PDV-om**, a u skladu s ponudom Ponuđača (broj 106/24 od 02.10.2024. godine) i Izvještajem o toku i završetku e-aukcije (postupak br. 2818-7-1-135/24 od 16.10.2024. godine).

### **Član 2.**

- (1) Prijedlog Ugovora dostavit će se na potpis izabranom ponuđaču u roku od 10 (deset) dana, računajući od dana kada su svi ponuđači obaviješteni o izboru najpovoljnije ponude.
- (2) Izabrani ponuđač je dužan dostaviti dokaze o kvalificiranosti, u roku od 5 (pet) dana od dana prijema ove Odluke, originale ili ovjerene fotokopije dokumenata iz člana 45. Stav (1) tačke od a) do d) Zakona o javnim nabavkama, ne starije od 3 (tri) mjeseca računajući od momenta dostavljanja ponude, u skladu sa tačkom 2.3.2. Tenderske dokumentacije.
- (3) U slučaju da izabrani ponuđač propusti dostaviti dokaze o kvalificiranosti u navedenom roku ili dostavi neprihvatljive dokaze, odluka o izboru najpovoljnijeg ponuđača će se poništiti.

### **Član 3.**

Za izvršenje ove Odluke zadužuje se i ovlašćuje PJ "Održavanje i nabavka", PJ "Vodovod i grijanje" i PJ "Direkcija", svako u okviru svoje nadležnosti.

### **Član 4.**

Ova odluka objavit će se na web-stranici: <http://jpkbreza.com/> istovremeno s upućivanjem ponuđačima koji su učestvovali u postupku javne nabavke, u skladu s članom 70. stav (6). Zakona o javnim nabavkama.

### **Član 5.**

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. Zakona o javnim nabavkama.

### Obrazloženje:

Postupak javne nabavke pokrenut je Odlukom o pokretanju postupka javne nabavke broj: 05-2307/24 od 26.09.2024. godine.

Javna nabavka je provedena putem postupka Konkurentskog zahtjeva za dostavu ponuda.

Procijenjena vrijednost javne nabavke: "Nabavka vodovodnih cijevi većih profila" iznosila je 15.000,00 KM bez PDV-a.

Obavještenje o nabavci broj: 2818-7-1-135-3-17/24 objavljeno je na Portalu javnih nabavki dana 30.9.2024. godine i istog dana poslano na objavu u „Službeni glasnik BiH“.

Na osnovu obavještenja na Portalu javnih nabavki, tendersku dokumentaciju sa portala E-nabavke je preuzelo 14 (četnaest) ponuđača. Izvještaj o preuzimanju tenderske dokumentacije je u prilogu Zapisnika o pregledu i ocjeni ponude.

Komisija za javnu nabavku imenovana je Rješenjem broj: 05-2307-2/24 od 30.09.2024. godine.

Komisija za javnu nabavku dostavila je dana 17.10.2024. godine, Zapisnik o pregledu i ocjeni ponuda, broj: 05-2307-5/24 od 17.10.2024. godine i Preporuku o izboru najpovoljnijeg ponuđača za javnu nabavku roba: „Nabavka vodovodnih cijevi većih profila“ broj: 05-2307-6/24 od 17.10.2024. godine.

Na javnom otvaranju ponuda nije bilo predstavnika ponuđača.

U postupku po Izvještaju o radu je utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 2 (dvije),
- da su blagovremeno zaprimljene 2 (dvije) ponude,
- da nije bilo neblagovremeno zaprimljenih ponuda,
- da su ponude ponuđača „BAUSYSTEM GROUP“ d.o.o. Breza i „VODOSKOK“ d.o.o. Tomislavgrad prihvatljive ponude.

Ponuđači su dostavili sljedeće cijene ponuda:

R.br	Naziv ponuđača	Ponuđena cijena bez PDV-a	Ukupno bez PDV-a (KM)	PDV (17%)	Ponuđena cijena sa PDV-om
1.	„VODOSKOK“ d.o.o. Tomislavgrad	4281210160004	14.975,50	2.545,84	17.521,34
2.	„BAUSYSTEM GROUP“ d.o.o.	4218798860003	14.997,00	2.549,49	17.546,49

S obzirom da je pristigao dovoljan broj prihvatljivih ponuda, a prema uslovima iz Tenderske dokumentacije, Komisija je, u skladu sa odredbama Pravilnika o uslovima i načinu korištenja e-aukcije ("Službeni glasnik BiH" broj: 80/23), dana 14.10.2024. godine u 14:00 sati zakazala „E-aukciju“ prema kriteriju "Najniža cijena" (tačka 6. Tenderske dokumentacije). Naknadno je izmjenjen termin „E-aukcije“ te je ista zakazana za dan 16.10.2024. godine u 13:00 sati.

Iz izvještaja o toku i završetku e-Aukcije koji je kreiran 16.10.2024. godine u 15:48:44 sati jasno je vidljivo:

**KONAČNA RANG LISTA PONUĐAČA KOJI SU UČESTVOVALI U E-AUKCIJI:**

R.br.	Naziv ponuđača	IDB/JIB	Konačna cijena u KM bez PDV-a	Umanjenje cijene	Rang
1.	„VODOSKOK“ d.o.o. Tomislavgrad	4281210160004	12.049,00	19,54 %**	1
2.	„BAUSYSTEM GROUP“ d.o.o.	4218798860003	12.050,00	19,65 %**	2

\*\* Označava približnu vrijednost procentualnog umanjenja nakon zaokruživanja na dvije decimale

U postupku ocjene provedenog postupka, direktor nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Izabrani ponuđač je izabran primjenjujući kriterij „Najniža cijena“.

Iz navedenih razloga, primjenom člana 64. stava (1) tačka (b) Zakona o javnim nabavkama, odlučeno je kao u dispozitivu.

**POUKA O PRAVNOM LIJEKU**

Protiv ove Odluke može se izjaviti žalba Ugovornom organu, najkasnije u roku od 5 (pet) dana od dana prijema ove Odluke.

Žalba se podnosi u pisanoj formi Uredu za razmatranje žalbi, a putem Ugovornog/prvostepenog organa.

Obradila:

  
Neira Hasanspahić

**DOSTAVLJENO:**

- 1 x „VODOSKOK“ d.o.o. Tomislavgrad
- 1 x „BAUSYSTEM GROUP“ d.o.o.
- 1 x Direktor JP „Komunalno“ d.o.o. Breza
- 1 x PJ „Održavanje i nabavka“
- 1 x Direkcija
- 1 x Web stranica preduzeća
- 1 x a/a

  
Direktor:  
  
ma. Ermin Likić dipl.ing.maš.

